

慧日佛學班第 7 期（《大智度論》）

# 《大智度論》卷 43

〈釋集散品第九下〉

（大正 25，369b-371b5）

釋厚觀（2009.9.19）

【經】

## 三、須菩提以「思惟門」說般若<sup>1</sup>

### （一）思惟三義——何者是般若，何故名般若，般若屬誰

「復次，世尊！菩薩摩訶薩欲行般若波羅蜜，應如是思惟：何者是般若波羅蜜？何以故名般若波羅蜜？是誰般若波羅蜜？」<sup>2</sup>

#### 1、何者是般若：諸法無所有、不可得即為般若

若菩薩摩訶薩行般若波羅蜜，如是念：若法無所有、不（369c）可得，是般若波羅蜜。」

#### 2、般若、五度、五眾，乃至十八不共法無所有、不可得

爾時，舍利弗問須菩提：「何等法無所有、不可得？」

須菩提言：「般若波羅蜜，是法無所有、不可得；禪波羅蜜、毘梨耶波羅蜜、羼提波羅蜜、尸羅波羅蜜、檀波羅蜜，是法無所有、不可得——內空故，外空、內外空、空空、大空、第一義空、有為空、無為空、畢竟空、無始空、散空、性空、自相空、諸法空、不可得空、無法空、有法空、無法有法空故。」

舍利弗！色法，無所有、不可得；受、想、行、識法，無所有、不可得。

內空法，無所有、不可得；乃至無法有法空法，無所有、不可得。

舍利弗！四念處法，無所有、不可得；乃至十八不共法，無所有、不可得。

舍利弗！諸神通法，無所有、不可得；如相法，無所有、不可得；法性、法相、法住、法位、實際法，無所有、不可得。

<sup>1</sup> 〈9 集散品〉「就空門破諸法顯般若」中，又分三門：一、謙讓門，二、不住門，三、思惟門。前二門參見《大智度論》卷 42，第三思惟門參見《大智度論》卷 43。

<sup>2</sup> (1) 「何者是般若」  
三事徵詰——何故名般若——唐增：般若何用（導師《大智度論筆記》B008）p.120  
「誰之般若」

(2) 《光讚經》卷 3 〈8 假號品〉：「復次，天中天！菩薩摩訶薩行般若波羅蜜，當作是觀：何所是般若波羅蜜？何以故謂是為般若波羅蜜？誰為此般若波羅蜜？何以有是般若波羅蜜？用是般若波羅蜜，為亦無所得、亦無所見亦無所不見，是故菩薩摩訶薩般若波羅蜜。」（大正 8，170a22-27）

(3) 《放光般若經》卷 2 〈11 本無品〉：「復次，世尊！菩薩摩訶薩行般若波羅蜜，當作是觀：言何許是般若波羅蜜？般若波羅蜜為是誰？誰有是般若波羅蜜？」（大正 8，15a29-b2）

(4) 《大般若波羅蜜多經》卷 409 〈勝軍品〉：「復次，世尊！諸菩薩摩訶薩修行般若波羅蜜多時，應當如是審諦觀察：何者是般若波羅蜜多？何故名般若波羅蜜多？誰之般若波羅蜜多？如是般若波羅蜜多為何所用？」（大正 7，49a6-9）

(5) 參見印順法師著《般若經講記》p.3- p.12。

舍利弗！佛，無所有、不可得；薩婆若法，無所有、不可得；一切種智法，無所有、不可得——內空乃至無法有法空故。

**3、菩薩若觀諸法無所有、不可得，心無怖畏，當知是菩薩不離般若行**

舍利弗！若菩薩摩訶薩如是思惟、如是觀時，心不沒、不悔，不驚、不畏、不怖，當知是菩薩不離般若波羅蜜行。」

舍利弗問須菩提：「何因緣故，當知菩薩不離般若波羅蜜行？」

須菩提言：「色離色性，受、想、行、識離識性；六波羅蜜離六波羅蜜性，乃至實際離實際性。」<sup>3</sup>

舍利弗復問須菩提：「云何是色性？云何是受、想、行、識性？云何乃至實際性？」

須菩提言：「無所有是色性，無所有是受、想、行、識性，乃至無所有是實際性。

舍利弗！以是因緣故，當知色離色性，受、想、行、識離識性，乃至實際離實際性。

舍利弗！色亦離色相，受、想、行、識亦離識相，乃至實際亦離實際相。相亦離相，性亦離性。」<sup>4</sup> (370a)

**(二) 顯所得益**

**1、漸近薩婆若，漸得三清淨，不生諸惡心**

舍利弗問須菩提：「菩薩摩訶薩若如是學，得成就薩婆若？」

須菩提言：「如是！如是！舍利弗！若菩薩摩訶薩如是學，得成就薩婆若。何以故？以諸法不生、不成就故。」

舍利弗問須菩提：「何因緣故，諸法不生、不成就？」

須菩提言：「色、色空，是色生、成就不可得；受、想、行、識，識空，是識生、成就不可得。乃至實際、實際空，是實際生、成就不可得。」<sup>5</sup>

舍利弗！菩薩摩訶薩如是學，漸近薩婆若，漸得身清淨、心清淨、相清淨。<sup>6</sup>漸得

<sup>3</sup> 《大般若波羅蜜多經》卷 409 〈8 勝軍品〉：「善現對曰：是菩薩摩訶薩修行般若波羅蜜多時，如實知色離色自性，受、想、行、識離受、想、行、識自性；……乃至如實知實際離實際自性。」(大正 7, 49b5-11)

<sup>4</sup> (1) 離(遠離)：相離，性離。(導師《大智度論筆記》[D008] p.250)

(2) 《大般若波羅蜜多經》卷 409 〈8 勝軍品〉：「舍利子！由是當知，色離色自性，受、想、行、識離受、想、行、識自性，乃至實際離實際自性。舍利子！色亦離色相，受、想、行、識亦離受、想、行、識相，乃至實際亦離實際相。舍利子！自性亦離自性，相亦離相；自性亦離相，相亦離自性。」(大正 7, 49b17-22)

<sup>5</sup> 《大般若波羅蜜多經》卷 409 〈8 勝軍品〉：「舍利子言：『何緣諸法無生、無成？』善現對曰：『色空故，生及成辦俱不可得；受、想、行、識空故，生及成辦俱不可得，如是乃至實際空故，生及成辦俱不可得。』」(大正 7, 49b27-c1)

<sup>6</sup> (1) 身清淨  
| 語清淨〔秦譯缺此〕

四種清淨 | 心清淨  
| 相清淨 (導師《大智度論筆記》[B008] p.120)

(2) 《大般若波羅蜜多經》卷 409 〈8 勝軍品〉：「舍利子！若菩薩摩訶薩能於般若波羅蜜多作

身清淨、心清淨、相清淨故，是菩薩不生染心、不生瞋心、不生癡心、不生憍慢心、不生慳貪心、不生邪見心。

**2、常得化生，遊諸佛國，嚴土熟生，終不離佛**

是菩薩不生染心乃至不生邪見心故，終不生母人腹中，常得化生；從一佛國至一佛國，成就眾生、淨佛世界<sup>7</sup>，乃至阿耨多羅三藐三菩提，終不離諸佛。<sup>8</sup>

**(三) 結成**

舍利弗！菩薩摩訶薩當作是行般若波羅蜜，當作是學般若波羅蜜。」

**【論】**

**三、須菩提以「思惟門」說般若<sup>9</sup>**

**(一) 思惟三義——何者是般若，何故名般若，般若屬誰**

**1、何者是般若波羅蜜**

**(1) 何故思惟「何者是般若」**

問曰：上來廣說般若波羅蜜，今須菩提何以作是言：「菩薩摩訶薩應如是思惟：何者是般若波羅蜜？」

答曰：須菩提上來「謙讓門」說，次「不住門」說，<sup>10</sup>今明般若波羅蜜體<sup>11</sup>——何等是般若波羅蜜？

**(2) 明般若體**

**A、般若是諸法實相，不可破壞，有佛無佛法相常住，非諸人作<sup>12</sup>**

「般若波羅蜜」者，是一切諸法實相，不可破，不可壞；若有佛、若無佛，常住諸法相、法位，<sup>13</sup>非佛、非辟支佛、非菩薩、非聲聞、非天人所作，何況其餘小眾生！

**B、般若是中道**（導師《大智度論筆記》 B007〕p.117，p.118）

**(A) 離二邊**

如是學，則便漸近一切智智，如如漸近一切智智，如是如是得身清淨，得語清淨，得意清淨，得相清淨。」（大正 7，49c1-5）

<sup>7</sup> 世界＝國土【石】。（大正 25，370d，n.4）

<sup>8</sup> 《大般若波羅蜜多經》卷 409〈8 勝軍品〉：「是菩薩摩訶薩由常不生貪等心故，畢竟不墮女人胎中，恒受化生、離險惡趣，除為利樂有情因緣。是菩薩摩訶薩從一佛土至一佛土，供養、恭敬、尊重、讚嘆諸佛世尊，成熟有情、嚴淨佛土，乃至證得所求無上正等菩提常不離佛。舍利子！若菩薩摩訶薩欲得如是功德勝利，當學般若波羅蜜多無得暫捨。」（大正 7，49c7-13）

<sup>9</sup> 「就空門破諸法顯般若」中，須菩提以三門說般若：一、謙讓門，二、不住門，三、思惟門。前二門參見《大智度論》卷 42。

<sup>10</sup> 參見《大智度論》卷 42〈9 集散品〉：「上須菩提以謙讓門說般若，雖言不說，而實為諸菩薩說般若波羅蜜。今須菩提以不住門直為菩薩說般若波羅蜜。」（大正 25，366b17-20）

<sup>11</sup> 《大智度論》卷 54（大正 25，443b29-c4），卷 55（454a19-26），卷 83（644c7-10）。

<sup>12</sup> 般若：是法實相，不可破壞，有佛無佛法相常住，非諸人作。

（導師《大智度論筆記》 E002〕p.287）

<sup>13</sup> 《大智度論》卷 65（大正 25，515c15-16，516c8-10），卷 91（703c20-21）。

復次，常是一邊，斷滅是一邊——離是二邊行中道，是為般若波羅蜜。<sup>14</sup>

又復常無常、苦樂、空實、我無我等，亦如是。

色法是一邊、無色法是一邊，可見法不可見法，有對無對，有為無為，有漏無漏，世間出世間等諸二法，亦如是。

復(370b)次，無明是一邊，無明盡是一邊；乃至老死是一邊，老死盡是一邊；諸法有是一邊，諸法無是一邊——離是二邊行中道，是為般若波羅蜜。

菩薩是一邊，六波羅蜜是一邊；佛是一邊，菩提是一邊——離是二邊行中道，是為般若波羅蜜。

略說內六情是一邊，外六塵是一邊——離是二邊行中道，是名般若波羅蜜。

此般若波羅蜜是一邊，此非般若波羅蜜是一邊——離是二邊行中道，是名般若波羅蜜。<sup>15</sup>

如是等二門，廣說無量般若波羅蜜相。

**(B) 離三門**

復次，離有、離無、離非有非無，不墮愚癡而能行善道，是為般若波羅蜜。<sup>16</sup>

如是等三門，是般若波羅蜜相。<sup>17</sup>

**(C) 法無所有、不可得，為般若波羅蜜**<sup>18</sup>

復次，須菩提此中自說：「是法無所有、不可得。」<sup>19</sup>

**a、空故無所有，無常等觀求無定相故不可得** (導師《大智度論筆記》 D015 ] p.258)

是般若波羅蜜，空故無所有；常無常等諸觀，求覓無定相故不可得。<sup>20</sup>

**b、不可取、不可受、不可著故**<sup>21</sup>

復次，無所有者，此中須菩提自說：「般若波羅蜜乃至五波羅蜜法無所有。」

<sup>14</sup> 般若是中道—常邊，無常邊

└ 離是二邊，行中道 (導師《大智度論筆記》 B007 ] p.117)

<sup>15</sup> 般若：離是二邊而行中道。(導師《大智度論筆記》 [ E002 ] p.287)

<sup>16</sup> (1) 般若：離有無非有無，不墮愚癡，能有善道。(導師《大智度論筆記》 E002 ] p.288)

(2) 中邊：常斷離二；苦樂離二；空實離二；我無我離二；色無色離二；可見不可見離二；有對無對離二。有為無為離二；有漏無漏離二；世出世間離二；十二緣起滅盡離二；有無離二；菩薩六度離二。佛菩提離二；內六情外六塵離二；是般若非般若離二；離有離無離非有無。(導師《大智度論筆記》 [ D015 ] p.258)

<sup>17</sup> 般若是中道—有、無、非有非無。

└ 離是三門，不墮愚痴，能行善道。(導師《大智度論筆記》 B007 ] p.118)

<sup>18</sup> (1) 無所有、不可得：空故無所有，無常等觀求無定相故不可得。十八空故。(導師《大智度論筆記》 D015 ) p.258)

(2) 不可得：觀無定相故。不可取、不可受、不可著故。十八空故。(導師《大智度論筆記》 [ D015 ] p.258-259)

<sup>19</sup> 參見《摩訶般若波羅蜜經》卷 3 〈9 集散品〉(大正 8，236b16-19)。

<sup>20</sup> 般若：無所有，不可得。(導師《大智度論筆記》 [ E002 ] p.288)

<sup>21</sup> ┌ 不可取故

無所有三義└ 不可受故

└ 不可著故 (導師《大智度論筆記》 B007 ] p.118)

不可取、不可受、不可著故。

**c、十八空故**

復次，十八空故，是六波羅蜜無所有、不可得。譬如大風能破散諸雲，亦如大火燒乾草木，如金剛寶摧破大山——諸空亦如是能破諸法。

**2、何以故名般若波羅蜜**

「何以故名般若波羅蜜」者，

**(1) 般若：最上智慧，窮盡到邊**（導師《大智度論筆記》 E002 ] p.288）

般若者〔秦言智慧〕<sup>22</sup>，一切諸智慧中最為第一<sup>23</sup>，無上、無比、無等，更無勝者，窮盡到邊；如一切眾生中佛為第一，一切諸法中涅槃為第一，一切眾中比丘僧為第一。

**※ 因論生論：何以說諸智慧中般若波羅蜜第一**<sup>24</sup>

問曰：汝先說諸法實相是般若波羅蜜，所謂法位、法住，有佛、無佛常住不異；<sup>25</sup>今何以說「諸智慧中般若波羅蜜第一，譬如諸法中涅槃為第一」？

答曰：

**A、果中說因故**

世間法，或時因中說果，或時果中說因，<sup>26</sup>無咎。

如人日食數（370c）匹布，布不可食，從布因緣得食，是名因中說果。

如見好畫而言好手，是名果中說因。

因諸法實相生智慧，是則果中說因。<sup>27</sup>

**B、入不二門故**

復次，是菩薩入不二入<sup>28</sup>法門，是時能直<sup>29</sup>行此般若波羅蜜，不分別是因是果、是緣是知<sup>30</sup>、是內是外、是此是彼等，所謂一相，無相。<sup>31</sup>以是故不應難。

<sup>22</sup>（秦言智慧）四字夾註＝（秦言智慧）四字本文【宋】【元】【明】【宮】【聖】。（大正 25，370d，n.10）

<sup>23</sup>《大智度論》卷 47（大正 25，400b11-12），卷 58（472b2-4），卷 62（497c3-5）。

<sup>24</sup> 智慧得名般若——一、實相能生智慧，果中說因，名為般若。

└ 二、入不二門，能行般若，因、果、緣、智、彼、此、內、外，一相無相，不作分別。（導師《大智度論筆記》 B007 ] p.118）

<sup>25</sup>（1）參見《正觀》第 6 期，p.116：《大智度論》卷 43（大正 25，370a21-24）。

（2）般若：是實相。（導師《大智度論筆記》 [ D003 ] p.242）

（3）實相：不可破壞，有佛無佛，常住諸法相法位，非一切所作。（導師《大智度論筆記》 [ D006 ] p.247）

<sup>26</sup> 因中說果，果中說因。（導師《大智度論筆記》 C031 ] p.234）

<sup>27</sup> 實相：生智慧（觀）。（導師《大智度論筆記》 [ D006 ] p.247）

<sup>28</sup> [入] — 【宮】【石】。（大正 25，370d，n.16）

<sup>29</sup> 直＝具【宋】【元】【明】【宮】【聖】。（大正 25，370d，n.17）

<sup>30</sup> 知＝智【宋】【元】【明】【宮】【聖】。（大正 25，370d，n.18）

<sup>31</sup> 入不二法門：不分別因果、緣智、內外、此彼，一相、無相。（此是現證實覺時相也）。（導師《大智度論筆記》 [ D016 ] p.259）

**(2) 菩薩般若，最為殊勝，清淨無著，饒益眾生**<sup>32</sup> (導師《大智度論筆記》 B008] p.119)

**A、三種智慧：世俗巧便、離生智慧、二乘出世間智慧**

復次，世間三種智慧：

一者、世俗巧便，博識文藝，仁智禮敬等。

二者、離生智慧，所謂離欲界乃至無所有處。

三者、出世間智慧，所謂離我及我所，諸漏盡聲聞、辟支佛智慧。

**B、菩薩般若名為真般若波羅蜜**

般若波羅蜜為最殊勝，畢竟清淨、無所著故，為饒益一切眾生故。<sup>33</sup>

聲聞、辟支佛智慧，雖漏盡故清淨，無大慈悲、不能饒益一切故不如；<sup>34</sup>何況世俗罪垢不淨欺誑智慧！

三種智慧不及是智慧故，名為「般若波羅蜜」。

**C、般若：為度眾生、為成佛道** (導師《大智度論筆記》 E002] p.288)

復次，是智慧為度一切眾生故、為得佛道故。

**D、波羅蜜：出體** (導師《大智度論筆記》 [ D016] p.260)

是智慧相應受、想、行、識，及從智慧起身業、口業，及生、住等心不相應諸行，是諸法和合，名為「波羅蜜」。

是諸波羅蜜中，智慧多故，名為「般若波羅蜜」；念、定等多故，名為「禪波羅蜜」；餘波羅蜜義亦如是。<sup>35</sup>

**E、結**

如是等種種無量因緣故，名為「般若波羅蜜」。

**3、般若波羅蜜屬誰**<sup>36</sup>

「是誰般若波羅蜜」者，

**(1) 第一義無我，般若當屬誰** (導師《大智度論》筆記 [ D016] p.260)

第一義中無知者、見者、得者，一切法無我、無我所相，諸法但空，因緣和合

<sup>32</sup> 世間「一者、世俗巧便」——罪垢不淨欺誑智慧……「菩薩般若，最為殊勝，三種」——二者、離生智慧」：清淨無著，饒益眾生。智慧「三者、出世間智慧——無大慈悲，不能饒益一切」

離我及我所，二乘漏盡智 (導師《大智度論筆記》 B008] p.119)

<sup>33</sup> (1) 般若：清淨無所有，饒益諸眾生。(導師《大智度論筆記》 [ D003] p.242)

(2) 般若：畢竟清淨，無所著。(導師《大智度論筆記》 E002] p.288)

<sup>34</sup> 大小差別：小慧無大慈悲、不益一切，大慧反此。(導師《大智度論筆記》 [ D009] p.250)

<sup>35</sup> (1) 「智慧」——般若波羅蜜，智慧多故——相應受、想、行、識——諸法和合，名波羅蜜——所起身口業——

「不相應行生住滅等」 (導師《大智度論筆記》 B008] p.119)

(2) 六度理實互具，隨勝立名。〔出般若體〕(導師《大智度論筆記》 D005] p.244)

<sup>36</sup> (1) 二諦：第一義無我，世諦說般若屬菩薩。(導師《大智度論筆記》 [ D016] p.260)

(2) 二諦：建立於世間語言；無俗則無真；二諦皆有。(導師《大智度論筆記》 [ E002] p.286)

相續生。<sup>37</sup>若爾！般若波羅蜜當屬誰？

**(2) 世諦說般若波羅蜜屬菩薩**<sup>38</sup>（導師《大智度論》筆記〔D016〕p.260）

佛法有二種：一者、世諦，二者、第一義諦。為世諦故，般若波羅蜜屬菩薩。<sup>39</sup>

**A、般若不屬凡夫**

凡夫人法種種過罪，不清淨故，則不屬凡夫人。般若波羅蜜畢竟清淨，凡夫所不樂；如蠅樂處不淨，不好蓮花。(371a) 凡夫人雖復離欲，有吾我心，著離欲法故，不樂般若波羅蜜。

**B、般若不屬二乘**

聲聞、辟支佛，雖欲樂般若波羅蜜，無深慈悲故，大厭世間，一心向涅槃，是故不能具足得般若波羅蜜。

**C、般若不屬佛**

是般若波羅蜜，菩薩成佛時，轉名「一切種智」。<sup>40</sup>

**D、結成：般若但屬菩薩**

以是故，般若不屬佛、不屬聲聞辟支佛、不屬凡夫，但屬菩薩。

**4、釋疑：何以經中先說般若無所有，次說五度，後說五眾等諸法無所有、不可得**

問曰：此經中常說五眾在前、一切種智在後，今何以先說六波羅蜜？

答曰：

**(1) 般若即是無所有，易解故先說**

舍利弗問須菩提無所有義解——五眾種種因緣觀，強令無所有，難解；般若波羅蜜即是無所有，易解。

譬如水中月，易明其空；天上月，難令無所有。

**(2) 五度與般若同名同事故次說，後續說五眾等諸法**

五波羅蜜與般若波羅蜜同名、同事，是故續說五波羅蜜，然後續說五眾乃至一切

<sup>37</sup> 二諦：第一義——無我、無我所相，諸法但空，因緣和合相續生。

（導師《大智度論筆記》〔D016〕p.260）

<sup>38</sup> (1) 般若但屬菩薩┌ 不屬凡夫 —— 凡夫不淨，不樂般若  
└ 不屬二乘 —— 雖樂般若，無大慈悲，厭世趣寂，不能具足得故  
└ 不屬佛 —— 成佛時，般若得名薩婆若故

（導師《大智度論筆記》〔B008〕p.119）

(2) 般若：但屬菩薩。二乘樂般若，不能具足得。般若，成佛時，轉名一切種智。（導師《大智度論筆記》〔D003〕p.242）

(3) 參見印順法師著《般若經講記》p.11-p.12。

<sup>39</sup> (1) 世諦說般若波羅蜜屬菩薩。（印順法師《大智度論筆記》〔D016〕p.260）

(2) 參見《大智度論》卷 58（大正 25，469c5-6）。

(3) 另參見印順法師著《以佛法研究佛法》p.123，《成佛之道》p.326，《初期大乘佛教之起源與開展》p.654。

<sup>40</sup> (1) 參見《大智度論》卷 83（大正 25，643b5-6），卷 82（大正 25，636b11-19），卷 11（大正 25，139c8-10），卷 58（大正 25，471b7-15）。

(2) 轉名（般若）：般若在佛心中變名一切種智。（導師《大智度論筆記》〔C016〕p.213）

種智無所有、不可得。

**5、菩薩若觀諸法無所有、不可得，心無怖畏，當知是菩薩不離般若行**

**(1) 菩薩觀諸法實相，不恐不怖，當知不離般若**

菩薩入是門，觀諸法實相，不恐不怖者，當知是菩薩不離般若波羅蜜；不離者，常行般若波羅蜜不虛，<sup>41</sup>必有果報。

**(2) 釋不離般若之因緣：法中無法相，虛誑無所有**

此中須菩提自說不離因緣，所謂色離色性，色中無色相，虛誑無所有。<sup>42</sup>菩薩能如是知，不離實智慧；乃至實際亦如是。

**(二) 顯所得益**

**1、漸近薩婆若，漸得三清淨，不生諸惡心**

菩薩能行是無障礙道，得至薩婆若，一切法不生不出故。

舍利弗問須菩提：「云何一切法不生？」

須菩提答：「色、色相空，故色無生無成就，乃至實際亦如是。」

**2、常得化生，供養諸佛，嚴土熟生，終不離諸佛**

**(1) 常得化生——受法性生身**

若菩薩能如是行，是清淨第一，無上無比故，漸近薩婆若；漸近薩婆若故，心不生邪見煩惱戲論，即時得<sub>心</sub>清淨。心清淨果報故，得<sub>身</sub>清淨；三十二相、八十隨形好，莊嚴其身。得三種清淨<sup>43</sup>故，破諸虛誑取相之法，受法性生身<sup>44</sup>——所謂常得化生，不處<sup>45</sup>胞胎。

**(2) 供養諸佛，嚴土熟生**

問曰：若有(371b)力如此，何用化生，貪著其身而不取涅槃？<sup>46</sup>

答曰：有二事因緣故：以諸佛是眾生中寶，欲供養無厭故；有本願——度眾生、淨佛世界未滿故。<sup>47</sup>

**(3) 終不離佛**

是菩薩福德、方便力故，常不離諸佛。<sup>48</sup>

<sup>41</sup> 不離：常行。(導師《大智度論筆記》[D011] p.254)

<sup>42</sup> 離性：法中無法相，虛誑無所有。(導師《大智度論筆記》[D008] p.250)

<sup>43</sup> 案：即心、身、相三種清淨。

<sup>44</sup> 法性生身：破虛誑取相之法乃得。化生。

供養諸佛無厭故，本願淨土熱情未滿故，二緣不取涅槃，不離諸佛。

(導師《大智度論筆記》[D017] p.260)

<sup>45</sup> 處=受【聖】。(大正 25, 371d, n.4)

<sup>46</sup> 釋疑：法身何貪不滅疑。(導師《大智度論筆記》[D019] p.262)

<sup>47</sup> 得法性生身，二緣不取涅槃—1、見佛供養心無厭故

└2、本願度生，淨土未滿足故

(導師《大智度論筆記》[B008] p.120)

<sup>48</sup> 參見《大智度論》卷 37 (大正 25, 333b17-28)，卷 29 (275b29-c2)，卷 38 (338c18-24)。

〈釋行相品第十〉<sup>49</sup>  
(大正 25, 371b7-375b21)

〔貳〕就「無相門」破諸法顯般若<sup>50</sup>

【經】

一、明無方便行般若

(一) 明著法而取相

1、著於外法

爾時，須菩提白佛言：「世尊！若菩薩摩訶薩無方便欲行般若波羅蜜，若行色為行相，若行受、想、行、識為行相；<sup>51</sup>若色是常行為行相，若受、想、行、識是常行為行相；若色是無常行為行相，若受、想、行、識是無常行為行相；若色是樂行為行相，若受、想、行、識是樂行為行相；若色是苦行為行相，若受、想、行、識是苦行為行相；若色是有行為行相，若受、想、行、識是有行為行相；若色是空行為行相，若受、想、行、識是空行為行相；若色是我行為行相，若受、想、行、識是我行為行相；若色是無我行為行相，若受、想、行、識是無我行為行相；若色是離行為行相，若受、想、行、識是離行為行相；若色是寂滅行為行相，若受、想、行、識是寂滅行為行相。

世尊！若菩薩摩訶薩無方便行四念處為行相，乃至<sup>52</sup>十八不共法為行相。

2、著於內法

世尊！若菩薩摩訶薩行般若波羅蜜時，作是念『我行般若波羅蜜有所得行』，亦是行相。

3、著於行法

世尊！若菩薩摩訶薩作是念『能如是行，是修行般若波羅蜜』，亦是行相。

4、結

當知是菩薩摩訶薩行般若波羅蜜無方便！」

(二) 無方便之失

1、不離生死

須菩提語舍利弗：「若菩薩摩訶薩行般若波羅蜜時，色受念妄解<sup>53</sup>；若色受念妄解，為色故作行；若為色作行，不得離生老(371c)病死憂悲苦惱及後世苦。<sup>54</sup>若菩薩

<sup>49</sup> (大智……十) 十字 = (釋行相品第十) 六字【明】，(大智度第十品行相品) 九字【宮】，(釋第十品) 四字【聖】，(摩訶般若波羅蜜品第十相行品) 十三字【石】。(大正 25, 371d, n.6)

<sup>50</sup> 《大智度論》卷 43 〈10 行相品〉：「前品用『空門』破諸法，此品欲以『無相門』破諸法。」(大正 25, 372a12-13)

<sup>51</sup> 《大般若波羅蜜多經》卷 409 〈9 行相品〉：「爾時，具壽善現白佛言：『世尊！若菩薩摩訶薩無方便善巧修行般若波羅蜜多時，若行色是行其相，若行受、想、行、識是行其相。』」(大正 7, 49c15-17)

<sup>52</sup> 至 + (行)【宋】【元】【明】【宮】。(大正 25, 371d, n.8)

<sup>53</sup> 《大智度論疏》卷 17：「於色上受念，即是忘解。」(《卍新續藏》46, 869b24)

<sup>54</sup> 《大般若波羅蜜多經》卷 409 〈9 行相品〉：「時，具壽善現謂舍利子言：『若菩薩摩訶薩無方

摩訶薩行般若波羅蜜時無方便，眼受念妄解乃至意，色乃至法；眼識界乃至意識界，眼觸乃至意觸，眼觸因緣生受乃至意觸因緣生受，四念處，乃至十八不共法受念妄解，為十八不共法故作行。若為作行，是菩薩不能得離生老病死、憂悲苦惱及後世苦。

**2、失菩提果**

如是菩薩尚不能得聲聞、辟支佛地證，何況得阿耨多羅三藐三菩提！無有是處。

**3、結成**

舍利弗！當知是菩薩摩訶薩行般若波羅蜜無方便。」

**二、明有方便行般若**

舍利弗問須菩提：「云何當知是菩薩摩訶薩行般若波羅蜜有方便？」

**(一) 不受不著之行**

**1、於外無所著故得**

須菩提語舍利弗：「若菩薩摩訶薩欲行般若波羅蜜時，不行色，不行受、想、行、識；不行色相，不行受、想、行、識相；不行色、受、想、行、識常，不行色、受、想、行、識無常；不行色、受、想、行、識樂，不行色、受、想、行、識苦；不行色、受、想、行、識我，不行色、受、想、行、識無我；不行色、受、想、行、識空，不行色、受、想、行、識無相，不行色、受、想、行、識無作；不行色、受、想、行、識離，不行色、受、想、行、識寂滅。

何以故？舍利弗！是色空為非色，離空無色、離色無空，色即是空、空即是色；受、想、行、識空為非識，離空無識、離識無空，空即是識、識即是空；乃至十八不共法空為非十八不共法，離空無十八不共法、離十八不共法無空，空即是十八不共法、十八不共法即是空。

如是，舍利弗！當知是菩薩摩訶薩行般若波羅蜜有方便。是菩薩摩訶薩如是行般若波羅蜜，能得阿耨多羅三藐三菩提。

**2、於內無所受故得**

是菩薩摩訶薩行般若波羅蜜時，行亦不受，不行亦不受，(372a) 行不行亦不受，非行非不行亦不受，不受亦不受。」<sup>55</sup>

便善巧修行般若波羅蜜多時，若於色住想勝解，則於色作加行；若於受、想、行、識住想勝解，則於受、想、行、識作加行。由加行故，不能解脫生老病死愁歎憂惱及後世苦。」(大正 7, 50a5-9)

<sup>55</sup> (1) 《大般若波羅蜜多經》卷 409 (9 行相品)：「舍利子！是菩薩摩訶薩修行般若波羅蜜多時，於般若波羅蜜多，不取行，不取不行，不取亦行亦不行，不取非行非不行，於不取亦不取。」(大正 7, 50c9-12)

(2) 不取行  
    | 不取不行  
都無所取├ 不取亦行亦不行  
          | 不取非行非不行  
          └ 不取亦不取

(導師《大智度論筆記》 B009 ] p.123)

舍利弗語須菩提：「菩薩摩訶薩行般若波羅蜜時，何因緣故不受？」

須菩提言：「是行<sup>56</sup>般若波羅蜜自性不可得故不受。何以故？無所有性是般若波羅蜜。舍利弗！以是故，菩薩摩訶薩行般若波羅蜜，行亦不受，不行亦不受，行不行亦不受，非行非不行亦不受，不受亦不受。

何以故？一切法性無所有，不隨諸法行，不受諸法相故；是名菩薩摩訶薩**諸法無所受三昧**廣大之用，不與聲聞、辟支佛共。是菩薩摩訶薩行是三昧不離，疾得阿耨多羅三藐三菩提。」<sup>57</sup>

【論】釋曰：

**〔貳〕就無相門破諸法顯般若**

前品用「空門」破諸法，此品欲以「無相門」破諸法。

**一、明無方便行般若**

**〔一〕明著法而取相**

**1、著於外法**

**〔1〕舉色蘊為例**

**A、釋「行色為行相」**

**〔A〕無方便觀色墮有相中**

若菩薩無方便觀色，則墮相中；墮相中故，失般若波羅蜜行。所以者何？以一切法空故，無相可取。

※ 釋疑：取捨行道云何無相疑（導師《大智度論筆記》〔D019〕p.263）

問曰：人知善惡果報，取果報相已，分別善、惡——善者取，惡者捨，是故行道；云何說「諸法無相相」？<sup>58</sup>

答曰：

**a、應機有別故**<sup>59</sup>

取相者，為初學者說；無相者，為行道、住解脫門者說。不應以麁事為難！

今行者取善相、破不善相——所謂取男女等相生諸煩惱因緣，後以無相相破善法相。若破不善而不破善相者，善即為患，生諸著故。以無相相破善法，無相亦自破。<sup>60</sup>所以者何？無相，善法所攝故。譬如雹墮害穀，

<sup>56</sup>〔行〕—【宋】【元】【明】【宮】【聖】【石】。（大正 25，372d，n.1）

<sup>57</sup>《大般若波羅蜜多經》卷 409〈9 行相品〉：「何以故？舍利子！以一切法皆用無性為其自性，都無所取、無所執著，是名菩薩摩訶薩於一切法無所取著三摩地。此三摩地微妙殊勝廣大無量，能集無邊無礙作用，不共一切聲聞、獨覺。舍利子！若菩薩摩訶薩能於如是勝三摩地恒住不捨，速證無上正等菩提。」（大正 7，50c20-26）

<sup>58</sup>釋疑：取捨行道，云何無相疑。（導師《大智度論筆記》〔D019〕p.263）

<sup>59</sup>初學、久學別：取相為初學，無相為修行。（導師《大智度論筆記》〔D017〕p.261）

隨機說法┆為初學者說——取相

┆為行道住解脫門者說——無相（導師《大智度論筆記》〔B009〕p.121）

<sup>60</sup>無相┆無相破諸善法

┆無相亦自破（導師《大智度論筆記》〔B009〕p.121）

翳自消滅。

**b、無相為實故**

復次，一切法無相相為實。譬如身，不淨充滿、九孔常流，無有淨相；而人無明故，強以為淨，生煩惱，作諸罪。如小兒於不淨物中，取淨相以為樂；長者觀之而笑，知為虛(372b)妄。如是等種種取相，皆為虛妄。如頗梨珠，隨前色變，自無定色；諸法亦如是，無有定相，隨心為異——若常、無常等相。<sup>61</sup>

如以瞋心，見此人為弊；若瞋心休息，姪欲心生，見此人還復為好。若以憍慢心生，見此人以為卑賤；聞其有德，還生敬心。

如是等有理而憎愛、無理而憎愛，皆是虛妄憶想。<sup>62</sup>

若除虛誑相，亦無空相、無相相、無作相，無所破故。<sup>63</sup>

**(B) 色從因緣和合有，無相相，若取相即失般若**

是色從種種因緣和合而有，譬如水沫，如幻、如夢；若菩薩於色中取一<sup>64</sup>相，即失般若波羅蜜，色性是無相相故。

**B、釋「色是常行、無常行為行相」**

受是色相已，見色散壞磨滅，謂是無常；若見和合少許時住，謂為常有。

**(A) 著色常**

常有二種<sup>65</sup>：一者、若住百歲，千萬億歲，若一劫，若八萬劫，然後歸滅；二者、常住不壞。

菩薩若邊邪滅故，亦不復觀真實常；若觀常，知是久住故常，非是真實。若不滅邊邪，觀色為真實常，作是念：草木零落還歸為土，但離合有時。是故說是「菩薩無方便」。

**(B) 著色無常**

菩薩或觀色無常。



<sup>61</sup> 舉頗梨珠喻：隨前色變，自無定色。法無定相，隨心為異。(導師《大智度論筆記》 D018] p.261)

<sup>62</sup> (1) 心性常淨：唯識觀。(導師《大智度論筆記》[ C014 ] p.210)  
(2) 境隨心轉：或瞋、或貪、或慢、或敬，皆是妄取。(導師《大智度論筆記》 D018] p.261)  
(3) 唯心故空：法無定相，隨心為異，皆是虛誑。(導師《大智度論筆記》[ D011 ] p.253)

<sup>63</sup> (1) 三解脫門— 除虛妄相  
    └ 虛妄相除，亦無空相，無所破故 (導師《大智度論筆記》 B009] p.121)  
(2) 無復空相：無所破故。(導師《大智度論筆記》[ D018 ] p.261)

<sup>64</sup> 一+ (異)【元】【明】【石】。(大正 25, 372d, n.10)

<sup>65</sup> (1) 二種常— 住百千萬億歲等，然後歸滅  
    └ 常住不壞 (導師《大智度論筆記》 B009] p.122)  
(2) 常——二種：久時住，常不壞。(導師《大智度論筆記》 D018] p.261)

無常亦有二種<sup>66</sup>：一者、念念滅，一切有為法不過一念住；二者、相續法壞故名爲無常，如人命盡、若火燒草木、如煎水消盡。

若初發心菩薩行是相續斷無常，心厭故。

若久行菩薩，能觀諸法念念生滅無常。<sup>67</sup>

是二菩薩皆墮取相中。所以者何？是色常、無常相不可得，如先說。<sup>68</sup>

**(2) 例餘四蘊及苦行、樂行、我行、非我行**

受、想、行、識，亦如是。

苦、樂<sup>69</sup>、我、非我<sup>70</sup>，亦爾。

**(3) 釋「五蘊離行、寂滅行」**

**A、釋疑：五眾云何寂滅疑**（導師《大智度論筆記》〔D019〕p.263）

問曰：是五眾可作常、無常等觀，云何言「五眾是寂滅、遠離相」？

答曰：行者不見五眾常、無常相故，知是五眾離自相；若知五眾離自相，即是寂滅（372c）如涅槃。<sup>71</sup>

**B、釋疑：本無自相，云何墮相疑**（導師《大智度論筆記》〔D019〕p.263）

問曰：若爾者，初自無相，云何說言「無方便墮相中」？

答曰：是菩薩根鈍、不自覺，心離五眾著，轉復著遠離寂滅，於無相中而生著。

**(4) 例餘三十七道品乃至十八不共法**

三十七品乃至十八不共法，亦應如是隨義分別。

**2、著於內法**

若菩薩觀外諸法皆無相，言「我能作是觀」，以有我心殘故，亦墮相中。

**3、著於行法**

若菩薩能離此著相非道，行真淨無相智慧，作是念：「能如是內外清淨行，是爲修行般若波羅蜜。」是人亦墮相中。<sup>72</sup>所以者何？不可著而著、不可取而取故。

<sup>66</sup> (1) 二種無常——念念滅，諸有為法，不過一念 —— 久行菩薩觀此——皆墮取相  
└ 相續法壞，如人命盡，如草木燒 —— 初心菩薩觀此┐

（導師《大智度論筆記》 B009〕p.122）

(2) 無常——二種：念念滅，相續壞。（導師《大智度論筆記》 D018〕p.262）

<sup>67</sup> 初學、久學別：初學觀相續斷無常，久學觀念念生滅無常。（導師《大智度論筆記》〔D017〕p.261）

<sup>68</sup> 參見《正觀》第6期，p.116-p.117：《大智度論》卷1（大正25，60b19-c6），卷15（170b29-c17），卷18（193a10-c7），卷23（229b14-c12），卷26（253b21-c6），卷31（292b29-c8），卷37（331b16-29），卷43（372b10-26）。

<sup>69</sup> 參見《正觀》第6期，p.117：《大智度論》卷19（大正25，199c24-200a16），卷23（229c23-230a18，230c16-23），卷31（286a11-c3，292c10-17）。

<sup>70</sup> 參見《正觀》第6期，p.117：《大智度論》卷26（大正25，253c7-254b2）。

<sup>71</sup> 寂滅：知法離自相即寂滅如涅槃。（導師《大智度論筆記》 D008〕p.250）

<sup>72</sup> 觀諸法相 ——┐  
觀諸法無相……念我能觀 └ 皆墮相中  
行真淨無相慧……念此是行 └

（導師《大智度論筆記》 B009〕p.123）

#### 4、結

是菩薩名為無方便，依止愛見、著善法故。

#### (二) 無方便之失：不離生死，失菩提果

是菩薩雖有福德，亦不得離老病死、憂悲苦惱；雜行道故，尚不能得小乘<sup>73</sup>，何況大乘！

#### 二、明有方便行般若

與上相違，名為「有方便」。

#### (一) 不受不著之行

##### 1、於外無所著故得

於一切法不受<sup>74</sup>不著，諸法和合因緣生，無自性故。

##### 2、於內無所受故得

#### (1) 釋疑：前說無受三昧與今說不受三昧之異

問曰：前說「無受三昧」，此說「不受三昧」，有何等異？<sup>75</sup>

答曰：前者為空故，此為無相故。

#### (2) 釋行無所受三昧不離，疾得佛道

「不遠離」者，常行不息不休，以大慈悲心故。<sup>76</sup>

「疾得佛道」者，入是三昧無障礙故，所行智慧與佛相似，若無量阿僧祇劫應得，或時超一阿僧祇劫、百劫乃至六十一劫；如弗沙佛讚歎，釋迦文佛超越九劫。<sup>77</sup>

#### 【經】

#### (二) 於諸三昧、陀羅尼無分別念行

##### 1、依世俗諦說行諸三昧及陀羅尼故得益

<sup>73</sup> 小乘有無相方便。(導師《大智度論筆記》〔D013〕p.256)

<sup>74</sup> 受=愛【石】。(大正 25, 372d, n.16)

<sup>75</sup> (1) 參見《正觀》第 6 期, p.117:《大智度論》卷 42 (大正, 367a17-c3)。

(2) 另參見印順法師著《初期大乘佛教之起源與開展》p.634- p.636。

<sup>76</sup> 不離：常行不息。(導師《大智度論筆記》〔D011〕p.254)

<sup>77</sup> (1) 印順法師《大智度論》標點本 (p.1644) 校勘：「『如弗沙佛讚歎，釋迦文佛超越九劫』，上二句文義似反，原是『釋迦文佛讚弗沙而超越九劫』。」

(2) 《大智度論》卷 4：「如經中言：過去久遠，有佛名弗沙。時有二菩薩：一名釋迦牟尼，一名彌勒。弗沙佛欲觀釋迦牟尼菩薩心純淑未？即觀見之，知其心未純淑，而諸弟子心皆純淑。又彌勒菩薩心已純淑，而弟子未純淑。是時弗沙佛如是思惟：『一人之心易可速化，眾人之心難可疾治。』如是思惟竟，弗沙佛欲使釋迦牟尼菩薩疾得成佛，上雪山上，於寶窟中入火定。是時，釋迦牟尼菩薩作外道仙人，上山採藥，見弗沙佛坐寶窟中，入火定，放光明；見已，心歡喜信敬，翹一脚立，叉手向佛，一心而觀，目未曾眴，七日七夜，以一偈讚佛：『天上天下無如佛，十方世界亦無比，世界所有我盡見，一切無有如佛者！』七日七夜諦觀世尊，目未曾眴。超越九劫，於九十一劫中得阿耨多羅三藐三菩提。」(大正 25, 87b27-c14)

(3) 超劫：或超一阿僧祇乃至九劫等。(導師《大智度論筆記》 E003〕p.289)

(4) 本生：讚弗沙佛超彌勒九劫。(導師《大智度論筆記》〔H013〕p.401)

**(1) 疾得佛菩提**

舍利弗言：「但不離是三昧，令菩薩摩訶薩疾得阿耨多羅三藐三菩提，更有諸餘三昧？」

須菩提語舍利弗言：「更有諸餘三昧，菩薩摩訶薩行是三昧，疾得阿耨多羅三藐三菩提。」

舍利弗言：「何等三昧，菩薩摩訶薩行是，疾得阿耨多羅三藐三菩提？」

須菩提言：「諸菩薩摩訶薩有三昧名<sup>(1)</sup>首楞嚴，行是三昧，令菩<sup>(373a)</sup>薩摩訶薩疾得阿耨多羅三藐三菩提；有名<sup>(2)</sup>寶印三昧、<sup>(3)</sup>師子遊戲三昧、<sup>(4)</sup>妙月三昧、<sup>(5)</sup>月幢相三昧、<sup>(6)</sup>諸法印三昧、<sup>(7)</sup>觀頂三昧、<sup>(8)</sup>畢法性三昧、<sup>(9)</sup>畢幢相三昧、<sup>(10)</sup>金剛三昧、<sup>(11)</sup>入法印三昧、<sup>(12)</sup>三昧王安立三昧<sup>78</sup>、<sup>(13)</sup>放光三昧、<sup>(14)</sup>力進三昧、<sup>(15)</sup>出生三昧、<sup>(16)</sup>必入辯才三昧、<sup>(17)</sup>入名字三昧、<sup>(18)</sup>觀方三昧、<sup>(19)</sup>陀羅尼印三昧、<sup>(20)</sup>不妄三昧<sup>79</sup>、<sup>(21)</sup>攝諸法海印三昧、<sup>(22)</sup>遍覆虛空三昧、<sup>(23)</sup>金剛輪三昧、<sup>(24)</sup>寶斷三昧、<sup>(25)</sup>普照三昧、<sup>(26)</sup>不求三昧、<sup>(27)</sup>無處住三昧、<sup>(28)</sup>無心三昧、<sup>(29)</sup>淨燈三昧、<sup>(30)</sup>無邊明三昧、<sup>(31)</sup>能作明三昧、<sup>(32)</sup>普遍明三昧、<sup>(33)</sup>堅淨諸三昧三昧、<sup>(34)</sup>無垢明三昧、<sup>(35)</sup>作樂三昧、<sup>(36)</sup>電光三昧、<sup>(37)</sup>無盡三昧、<sup>(38)</sup>威德三昧、<sup>(39)</sup>離盡三昧、<sup>(40)</sup>不動三昧、<sup>(41)</sup>莊嚴三昧、<sup>(42)</sup>日光三昧、<sup>(43)</sup>月淨三昧、<sup>(44)</sup>淨明三昧、<sup>(45)</sup>能作明三昧、<sup>(46)</sup>作行三昧、<sup>(47)</sup>知相三昧、<sup>(48)</sup>如金剛三昧、<sup>(49)</sup>心住三昧、<sup>(50)</sup>遍照三昧、<sup>(51)</sup>安立<sup>80</sup>三昧、<sup>(52)</sup>寶頂三昧、<sup>(53)</sup>妙法印三昧、<sup>(54)</sup>法等三昧<sup>81</sup>、<sup>(55)</sup>生<sup>82</sup>喜三昧、<sup>(56)</sup>到法頂三昧、<sup>(57)</sup>能散三昧、<sup>(58)</sup>壞諸法處三昧、<sup>(59)</sup>字等相三昧、<sup>(60)</sup>離字三昧、<sup>(61)</sup>斷緣三昧、<sup>(62)</sup>不壞三昧、<sup>(63)</sup>無種相三昧、<sup>(64)</sup>無處行三昧、<sup>(65)</sup>離闇三昧、<sup>(66)</sup>無去三昧、<sup>(67)</sup>不動<sup>83</sup>三昧、<sup>(68)</sup>度緣三昧、<sup>(69)</sup>集諸功德三昧、<sup>(70)</sup>住無心三昧、<sup>(71)</sup>妙淨華三昧、<sup>(72)</sup>覺意三昧、<sup>(73)</sup>無量辯三昧、<sup>(74)</sup>無等等三昧、<sup>(75)</sup>度諸法三昧、<sup>(76)</sup>分別諸法三昧、<sup>(77)</sup>散疑三昧、<sup>(78)</sup>無住處三昧、<sup>(79)</sup>一相三昧<sup>84</sup>、〔一性三昧<sup>85</sup>、〕<sup>(80)</sup>生行三昧、<sup>(81)</sup>一

<sup>78</sup> 昧+（王印三昧）【元】【石】。（大正 25，373d，n.3）

<sup>79</sup>（1）高麗藏作「不忘三昧」（14 冊，815b10）。

（2）《摩訶般若波羅蜜經》卷 3〈10 相行品〉：「不忘<sup>\*</sup>三昧。」（大正 8，237c28）

忘=妄【宋】【宮】。（大正 8，237d，n.14）

（3）《摩訶般若波羅蜜經》卷 5〈18 問乘品〉作「無誑三昧」。（大正 8，251a15）

（4）《摩訶般若波羅蜜經》卷 5〈18 問乘品〉：「云何名無誑三昧？住是三昧於諸三昧不欺誑，是名無誑三昧。」（大正 8，251c13-15）

<sup>80</sup> 立=住【宮】。（大正 25，373d，n.6）

<sup>81</sup>《大智度論》卷 47〈18 摩訶衍品〉：「云何名法等三昧？住是三昧觀諸法等、無法不等，是名法等三昧。」（大正 25，397c21-23）

<sup>82</sup> 生=斷【聖】。（大正 25，373d，n.7）

<sup>83</sup> 動=變【明】。（大正 25，373d，n.9）

<sup>84</sup>（1）《摩訶般若波羅蜜經》卷 3〈10 相行品〉中之「一相三昧」，卷 5〈18 問乘品〉中則名為「一莊嚴三昧」。（大正 8，252c21-23）

（2）《摩訶般若波羅蜜經》卷 5〈18 問乘品〉：「云何名一莊嚴三昧？住是三昧，終不見諸法二相，是名一莊嚴三昧。」（大正 8，252c21-23）

（3）《大智度論》卷 47〈18 摩訶衍品〉：「一莊嚴三昧者，得是三昧，觀諸法皆一；或一切法

行三昧、<sup>(82)</sup> 不一行三昧、<sup>(83)</sup> 妙行三昧、<sup>(84)</sup> 達一切有底散三昧、<sup>(85)</sup> 入言語三昧、<sup>(86)</sup> 離音聲字語三昧、<sup>(87)</sup> 然炬三昧、<sup>(88)</sup> 淨相三昧、<sup>(89)</sup> 破相三昧、<sup>(90)</sup> 一切種妙足三昧、<sup>(91)</sup> 不喜苦樂三昧、<sup>(92)</sup> 不盡行三昧、<sup>(93)</sup> 多陀羅尼三昧、<sup>(94)</sup> 攝<sup>86</sup> 諸邪正相三昧、<sup>(95)</sup> 滅憎愛三昧、<sup>(96)</sup> 逆順三昧、<sup>(97)</sup> 淨光三昧、<sup>(98)</sup> 堅固三昧、<sup>(99)</sup> 滿月淨光(373b)三昧、<sup>(100)</sup> 大莊嚴三昧、<sup>(101)</sup> 能照一切世三昧<sup>87</sup>、<sup>(102)</sup> 三昧等三昧<sup>88</sup>、<sup>(103)</sup> 無諍行三昧、<sup>(104)</sup> 無住處樂三昧、<sup>(105)</sup> 如住定三昧、<sup>(106)</sup> 壞身衰三昧、<sup>(107)</sup> 壞語如虛空三昧、<sup>(108)</sup> 離著如虛空不染三昧。舍利弗！是菩薩摩訶薩行是諸三昧，疾得阿耨多羅三藐三菩提。

復有無量阿僧祇三昧門、陀羅尼門，菩薩摩訶薩學是三昧門、陀羅尼門，疾得阿耨多羅三藐三菩提。」

## (2) 得諸佛授記

慧命須菩提隨佛心言：「當知是菩薩摩訶薩行是諸三昧者，以為過去佛<sup>89</sup> 諸所授記，今現在十方諸佛亦授是菩薩記。」

## 2、依勝義諦明於諸三昧不知不念

是菩薩不見是諸三昧，亦不念是三昧；亦不念：『我當入是三昧，我今入是三昧，我已入是三昧。』是菩薩摩訶薩都無分別念。」

舍利弗問須菩提：「菩薩摩訶薩住是諸三昧已，從過去佛授記耶？」

須菩提報言：「不也！舍利弗！何以故？般若波羅蜜不異諸三昧，諸三昧不異般若波羅蜜；菩薩不異般若波羅蜜及三昧，般若波羅蜜及三昧不異菩薩；般若波羅蜜即是三昧，三昧即是般若波羅蜜；菩薩即是般若波羅蜜及三昧，般若波羅蜜及三昧即是菩薩。」

舍利弗語須菩提：「若三昧不異菩薩、菩薩不異三昧，三昧即是菩薩、菩薩即是三昧，菩薩云何知一切諸法等三昧？」<sup>90</sup>

有相故一，或一切法無故一，或一切法空故一，如是等無量皆一；以一相智慧，莊嚴是三昧，故言一莊嚴。」(大正 25, 401b14-18)

- <sup>85</sup> (1) [一性三昧] — 【聖】【石】。(大正 25, 373d, n.11)  
 (2) 《摩訶般若波羅蜜經》卷 3 〈10 相行品〉：「一相三昧、生行三昧。」(大正 8, 238a16)  
 (3) 《摩訶般若波羅蜜經》卷 5 〈18 問乘品〉：「一莊嚴三昧、生行三昧。」(大正 8, 251b3)  
 (4) 《大智度論》卷 47 〈18 摩訶衍品〉：「一莊嚴三昧，生行三昧。」(大正 25, 396c19-20)  
 (5) 案：現存大正藏《大智度論》卷 43 〈10 行相品〉雖有「一性三昧」，但《大智度論》【聖】【石】本及《摩訶般若波羅蜜經》均無「一性三昧」。百八三昧若加上此「一性三昧」則成 109 種三昧。
- <sup>86</sup> 攝 = 取【宋】【元】【明】【宮】【石】。(大正 25, 373d, n.12)  
<sup>87</sup> (1) [三昧] — 【宋】【元】【明】【宮】【聖】【石】。(大正 25, 373d, n.13)  
 (2) 《大智度論》卷 47 〈18 摩訶衍品〉：「云何名能照一切世三昧？住是三昧諸三昧及一切法能照，是名能照一切世三昧。」(大正 25, 398c7-9)  
<sup>88</sup> 《大智度論》卷 47 〈18 摩訶衍品〉：「云何名三昧等三昧？住是三昧於諸三昧不得定亂相，是名三昧等三昧。」(大正 25, 398c9-11)  
<sup>89</sup> (諸) + 佛【聖】【石】。(大正 25, 373d, n.20)  
<sup>90</sup> (1) 《光讚經》卷 4 〈9 行品〉：「舍利弗謂須菩提：如仁者所云：『菩薩摩訶薩般若波羅蜜及

須菩提言：「若菩薩入是三昧，是時不作是念：『我以是法入是三昧。』以是因緣故，舍利弗！是菩薩於諸三昧不知不念。」<sup>91</sup>

舍利弗言：「何以故不知不念？」

須菩提言：「諸三昧無所有故，是故菩薩不知不念。」<sup>92</sup>

### 三、佛述成

爾時，佛讚言：「善哉！善哉！須菩提！如我說汝行無諍三昧第一，與此義相應。」(373c) 菩薩摩訶薩應如是學般若波羅蜜、禪波羅蜜、毘梨耶波羅蜜、羸提波羅蜜、尸羅波羅蜜、檀波羅蜜；四念處乃至十八不共法，亦應如是學！」

## 【論】

### (二) 於諸三昧、陀羅尼無分別念行

#### 1、依世俗諦說行諸三昧及陀羅尼故得益

##### (1) 疾得佛菩提

##### A、釋疑：涅槃一道，所謂三解脫門，何以舍利弗更問有無餘三昧疾得佛道

問曰：如佛說涅槃一道——所謂空、無相、無作，舍利弗何以更問「有餘三昧令菩薩疾得佛不」？

答曰：未近涅槃時，多有餘道；近涅槃時，惟<sup>93</sup>有一道：空、無相、無作；諸餘三昧，皆入此三解脫門。<sup>94</sup>

譬如大城，多有諸門，皆得入城；又如眾川萬流皆歸於海。

##### B、釋「餘三昧」

諸三昧，不為各異，菩薩則三昧，三昧則菩薩。一切法皆平等則不知三昧。』(大正 8，173a24-27)

(2) 《放光般若經》卷 3〈12 空行品〉：「須菩提言：『不也，舍利弗！何以故？般若波羅蜜及三昧、菩薩無有異。菩薩則是三昧，三昧則是菩薩；般若波羅蜜亦爾，等無有異。而善男子不知諸法等三昧。何以故不知？菩薩以不見是三昧，是故不知。』」(大正 8，16b20-24)

(3) 《大般若波羅蜜多經》卷 410〈9 行相品〉：「舍利子問善現言：『若三摩地不異菩薩摩訶薩、菩薩摩訶薩不異三摩地，三摩地即是菩薩摩訶薩、菩薩摩訶薩即是三摩地，若三摩地、若菩薩摩訶薩於般若波羅蜜多亦如是者，諸菩薩摩訶薩云何於一切法如實了知入三摩地？』」(大正 7，51c22-27)

(4) 《大智度論》卷 43〈10 行相品〉：「舍利弗復問：『若爾者，三昧及一切法平等不異？』」(大正 25，373c24-25)

<sup>91</sup> 《大智度論》卷 43〈10 行相品〉：「須菩提言：『諸菩薩有諸法等三昧，入是三昧中，諸法無異。』復次，如先說，於諸三昧不作憶想分別覺與不覺，諸三昧自性無所有故，菩薩不知不念。」(大正 25，373c25-28)

<sup>92</sup> 《大般若波羅蜜多經》卷 410〈9 行相品〉：「善現答言：『若菩薩摩訶薩入諸定時，不作是念：『我依一切法平等性證入如是如是等持。』由此因緣，諸菩薩摩訶薩雖依一切法平等性證入如是如是等持，而於一切法平等性及諸等持不作想解。何以故？舍利子！以一切法及諸等持、若菩薩摩訶薩、若般若波羅蜜多皆無所有，無所有中分別想解無容起故。』」(大正 7，51c27-52a5)

<sup>93</sup> 惟=唯【宋】【元】【明】【宮】【聖】【石】。(大正 25，373d，n.29)

<sup>94</sup> 三三昧：近涅槃時唯有此一道。諸餘三昧皆入此三。(導師《大智度論筆記》 E003 ] p.289)

何等餘三昧？所謂首楞嚴三昧等諸三昧，〈摩訶衍品〉<sup>95</sup>中佛自說；有深難解者，彼中當說。

### (2) 得諸佛授記

若菩薩能行是百八三昧等諸陀羅尼門，十方諸佛皆與授記。

### 2、依勝義諦明於諸三昧不知不念

所以者何？是菩薩雖得是諸三昧，實無諸憶想分別我心故，亦不作是念：「我當入是三昧，今入、已入；我當住是三昧；是我三昧。」以是心清淨微妙法不著故，諸佛授記。

爾時，舍利弗還以空智慧難須菩提言：「菩薩住是三昧、取是三昧相，得授記耶？」須菩提言：「不也！何以故？三事<sup>96</sup>不異故：般若不異三昧，三昧不異般若；般若不異菩薩、三昧，菩薩、三昧不異般若；般若、三昧即是菩薩，菩薩即是般若、三昧。<sup>97</sup>若三昧、菩薩異者，諸佛授其記；不異故，無授記。」

舍利弗復問：「若爾者，三昧及一切法平等不異？」

須菩提言：「諸菩薩有諸法等三昧<sup>98</sup>，入是三昧中，諸法無異。」

復次，如先說：於諸三昧不作憶想分別覺與不覺<sup>99</sup>。<sup>100</sup>

諸三昧自性無所有故，菩薩不知不念。<sup>101</sup>

### 三、佛述成

佛以須菩提自未得是三昧，而善說菩薩微妙三昧、(374a) 陀羅尼，般若波羅蜜中不念不著，是故讚言：「善哉！我說汝得無諍三昧第一，如我所讚不虛。」

### 【經】

#### 四、學般若以無所得為方便

##### (一) 學諸法不可得是為學般若

<sup>95</sup> (1) 參見《正觀》第 6 期，p.118：〈摩訶衍品〉菩薩三昧，參見《摩訶般若波羅蜜經》卷 5 〈18 問乘品〉(大正 8，251a8-253b16)，《放光般若經》卷 4 〈19 摩訶衍品〉(大正 8，23b14-24c24)，《光讚經》卷 6 〈16 三昧品〉(大正 8，190a19-193a10)。

(2) 百八三昧，參見《大智度論》卷 47 (大正 25，398c23-402c10)。

<sup>96</sup> 三事=三昧【宋】【宮】。(大正 25，373d，n.35)

<sup>97</sup> 菩薩、般若、三昧不二。(導師《大智度論筆記》C[022] p.223)

<sup>98</sup> (1) 《摩訶般若波羅蜜經》卷 5 〈18 問乘品〉：「云何名法等三昧？住是三昧，觀諸法等，無法不等，是名法等三昧。」(大正 8，252b10-12)

(2) 《大智度論》卷 47 〈18 摩訶衍品〉：「法等三昧者，等有二種：眾生等，法等。法等相應三昧，名為法等。」(大正 25，400c19-21)

<sup>99</sup> 覺與不覺=不覺不知【宋】【元】【明】【宮】【聖】【石】。(大正 25，373d，n.39)

<sup>100</sup> 參見《大智度論》卷 43 〈10 行相品〉：「是菩薩雖得是諸三昧，實無諸憶想分別我心故；亦不作是念：『我當入是三昧，今入、已入，我當住是三昧，是我三昧。』以是心清淨微妙法不著故，諸佛授記。」(大正 25，373c13-17)

<sup>101</sup> 《摩訶般若波羅蜜經》卷 3 〈10 相行品〉：

舍利弗言：「何以故不知不念？」

須菩提言：「諸三昧無所有故，是菩薩不知不念。」(大正 8，238b19-21)

舍利弗白佛言：「世尊！菩薩摩訶薩如是學，為學般若波羅蜜耶？」

佛告舍利弗：「菩薩摩訶薩如是學，為學般若波羅蜜，是法不可得故；乃至學檀波羅蜜，是法亦不可得故；學四念處乃至學十八不共法，是法不可得故。」<sup>102</sup>

舍利弗白佛言：「世尊！如是菩薩摩訶薩學般若波羅蜜，是法不可得耶？」

佛言：「如是！菩薩摩訶薩學般若波羅蜜，是法不可得。」

## （二）明人法不可得，畢竟淨故

### 1、我乃至見者不可得，五陰等諸法不可得

舍利弗言：「世尊！何等法不可得？」

佛言：「我不可得，乃至知者、見者不可得，畢竟淨故。

五陰不可得、十二入不可得、十八界不可得，畢竟淨故。

無明不可得，畢竟淨故；乃至老死不可得，畢竟淨故。

苦諦不可得，畢竟淨故；集、滅、道諦不可得，畢竟淨故。

欲界不可得，畢竟淨故；色界、無色界不可得，畢竟淨故。

四念處不可得，畢竟淨故；乃至十八不共法不可得，畢竟淨故。

六波羅蜜不可得，畢竟淨故。

須陀洹不可得，畢竟淨故；斯陀含、阿那含、阿羅漢、辟支佛不可得，畢竟淨故；菩薩不可得，畢竟淨故；佛不可得，畢竟淨故。」

### 2、明「畢竟淨」

舍利弗白佛言：「世尊！何等是畢竟淨？」

佛言：「不出不生、無得無作，是名畢竟淨。」<sup>103</sup>

## （三）如法而學，實無所學

### 1、菩薩於諸法無所學

舍利弗白佛言：「世尊！菩薩摩訶薩若如是學，為學何等法？」

佛告舍利弗：「菩薩摩訶薩如是學，於諸法無所學。何以故？舍利弗！諸法相不如凡夫所著。」

### 2、無明凡夫著無所有

#### （1）諸法無所有，不知即無明

舍利弗白佛言：「世尊！諸法實相云何有？」

佛言：「諸法無所有，如是有；如（374b）是無所有，是事不知，名為無明。」<sup>104</sup>

<sup>102</sup> 《大般若波羅蜜多經》卷 410〈9 行相品〉：「佛言：舍利子！若菩薩摩訶薩作如是學，為正學般若波羅蜜多，以無所得為方便故，乃至為正學十八不共法，以無所得為方便故。」（大正 7，52a14-17）

<sup>103</sup> 《大般若波羅蜜多經》卷 410〈9 行相品〉：「佛言：舍利子！即一切法不生不滅、無染無淨、不出不沒、無得無為，如是名為畢竟淨義。」（大正 7，52b6-8）

<sup>104</sup> （1）《大般若波羅蜜多經》卷 410〈9 行相品〉：「佛言：諸法如無所有如是而有，若於如是無所有法不能了達，說名無明。」（大正 7，52b14-15）

（2）參見印順法師著《中觀今論》p.18，《初期大乘佛教之起源與開展》p.728，《華雨集》第

**(2) 十八空故五陰等諸法無所有**

舍利弗白佛言：「世尊！何等無所有，是事不知，名為無明？」

佛告舍利弗：「色、受、想、行、識無所有，內空乃至無法有法空故；四念處乃至十八不共法無所有，內空乃至無法有法空故。」

**(3) 無明凡夫取著生過**

**A、凡夫無明故，不知不見諸法無所有**

是中凡夫以無明力渴愛故，妄見分別，說是無明。

是凡夫為二邊所縛，是人不知不見諸法無所有，而憶想分別著色乃至十八不共法。是人著故，於無所有法而作識知見。是凡夫不知不見。<sup>105</sup>

何等不知不見？

不知不見色，乃至十八不共法亦不知不見；以是故墮凡夫數，如小兒。

**B、顯所生過**

**(A) 不出三界，不能離二乘**

是人不出。於何不出？

不出欲界，不出色界，不出無色界；聲聞、辟支佛法中不出。

**(B) 不信諸法空**

是人亦不信。不信何等？

不信色空，乃至不信十八不共法空。

**(C) 不住六度乃至十八不共法**

是人不住。不住何等？

不住檀波羅蜜，乃至不住般若波羅蜜；不住阿毘<sup>106</sup>跋致地，乃至不住十八不共法。

**(D) 失諸功德故名為凡夫、如小兒、著者**

以是因緣故，名為凡夫，如小兒，亦名著者。

何等為著？

著色乃至識，著眼入乃至意入，著眼界乃至意識界，著婬怒癡、著諸邪見，著四念處乃至著佛道。<sup>107</sup>

四冊，p.293。

<sup>105</sup> 《大般若波羅蜜多經》卷 410〈9 行相品〉：「舍利子！愚夫異生若於如是無所有法不能了達，說名無明。彼由無明及愛勢力，分別執著斷、常二邊，由此不知不見諸法無所有性分別諸法。由分別故，便執著色、受、想、行、識，乃至執著十八佛不共法，由執著故，分別諸法無所有性，由此於法不知不見。」（大正 7，52b20-26）

<sup>106</sup> 毘=鞞【石】。（大正 25，374d，n.8）

<sup>107</sup> (1) 《大般若波羅蜜多經》卷 410〈9 行相品〉：

佛言：「於色不知不見，於受、想、行、識不知不見，乃至於十八佛不共法不知不見。由於諸法不知不見，墮在愚夫異生數中不能出離。」

舍利子言：「彼於何處不能出離？」

佛言：「彼於欲界、色、無色界不能出離。由於三界不能出離，於聲聞法不能成辦，於獨覺法不能成辦，於菩薩法不能成辦，於諸佛法不能成辦。由於三乘不能成辦，便於諸

**五、雙明有無方便行及其得失**

**(一) 無方便行及其過失**

舍利弗白佛言：「世尊！若菩薩摩訶薩作如是學，亦不學般若波羅蜜，不得薩婆若？」

佛語舍利弗：「菩薩摩訶薩作如是學，亦不學般若波羅蜜，不得薩婆若。」

舍利弗白佛言：「世尊！何以故菩薩摩訶薩亦不學般若波羅蜜，不得薩婆若？」

佛告舍利弗：「菩薩摩訶薩無方便故，想念分別，著般若波羅蜜，著禪波羅蜜、毘梨耶波羅蜜、羸提波羅蜜、尸羅波羅蜜、檀波羅蜜，乃至十八不共法、一切種智，隨念分別著。以是(374c)因緣故，菩薩摩訶薩如是學，亦不學般若波羅蜜，不得薩婆若。」

舍利弗白佛言：「世尊！若菩薩摩訶薩如是學，亦不學般若波羅蜜，不得薩婆若？」<sup>108</sup>

佛告舍利弗：「菩薩摩訶薩如是學，不學般若波羅蜜，不得薩婆若。」

**(二) 有方便行及其得益**

舍利弗白佛言：「世尊！菩薩摩訶薩今云何應學般若波羅蜜，得薩婆若？」

佛告舍利弗言：「若菩薩摩訶薩學般若波羅蜜時，不見般若波羅蜜。舍利弗！菩薩摩訶薩如是學，學般若波羅蜜，得薩婆若，以不可得故。」

舍利弗白佛言：「世尊！云何名不可得？」

佛言：「諸法內空乃至無法有法空故。」<sup>109</sup>

【論】釋曰：

**四、學般若以無所得為方便**

**(一) 學諸法不可得是為學般若**

法不能信受。」

舍利子言：「彼於何法不能信受？」

佛言：「彼於色空不能信受，於受、想、行、識空不能信受，乃至於十八佛不共法空不能信受，由不信受便不能住。」

舍利子言：「於何等法彼不能住？」

佛言：「舍利子！於布施波羅蜜多乃至般若波羅蜜多彼不能住，於不退轉地乃至十八佛不共法彼不能住。由此故名愚夫異生，以於諸法執著有性。」

舍利子言：「彼於何法執著有性？」

佛言：「彼於色執著有性，於受、想、行、識執著有性；於眼處執著有性，乃至於意處執著有性；於色處執著有性，乃至於法處執著有性；於眼界執著有性，乃至於意界執著有性；於貪、瞋、癡執著有性，於諸見趣執著有性；於四念住執著有性，乃至於十八佛不共法執著有性。」(大正 7, 52b26-c19)

(2) 此段「顯所生過」之經文，《摩訶般若波羅蜜經》皆是「佛告舍利弗」之內容，但玄奘譯《大般若波羅蜜多經》(第二分)則是「佛與舍利子之問答」。

<sup>108</sup> 《大般若波羅蜜多經》卷 410〈9 行相品〉：「舍利子言：是菩薩摩訶薩如是學時，定非學般若波羅蜜多、不能成辦一切智智耶？」(大正 7, 53a2-4)

<sup>109</sup> 《大般若波羅蜜多經》卷 410〈9 行相品〉：

舍利子言：「是菩薩摩訶薩修學般若波羅蜜多時，以何等無所得為方便耶？」

佛言：「舍利子！是菩薩摩訶薩修學般若波羅蜜多時，以內空無所得為方便，乃至以無性自性空無所得為方便。由是因緣，速能成辦一切智智。」(大正 7, 53a22-27)

舍利弗上問：「但無受三昧疾得佛，更有餘三昧？」

須菩提說：「更有餘三昧疾得佛。是菩薩不念不著是三昧、過去現在諸佛授記。」

佛讚言：「善哉！菩薩摩訶薩應如是學般若波羅蜜乃至一切佛法。」

### ※以不可得學諸三昧是為學般若

是時，舍利弗作是念：「般若波羅蜜是空相，諸三昧種種分別相，云何學諸三昧是為學般若波羅蜜？」是故問。

佛答舍利弗：「如是學般若波羅蜜，皆以不可得故。」<sup>110</sup>

以般若波羅蜜氣分相皆在諸三昧中，<sup>111</sup>能如是學，是為學般若波羅蜜。

乃至十八不共法。

佛即可之。

### (二) 明人法不可得，畢竟淨故

#### 1、眾生空故，我乃至見者不可得；法空故，五陰等諸法不可得

舍利弗復問：「何等法不可得？」

佛此中自說：「眾生空故，畢竟清淨故，我不可得，乃至知者、見者、須陀洹乃至佛不可得。

法空故，畢竟清淨故，五眾不可得，乃至十八不共法不可得。」

#### 2、釋不出不生、無得無作名畢竟淨

「畢竟清淨」者，不出不生、不得不作等。

##### (1) 不出、不生

因邊不起故，名為「不出」；<sup>112</sup>緣邊不起故，名為「不生」。<sup>113</sup>

定生相不可得故，名為「不出不生」。<sup>114</sup>

##### (2) 無得、無作

不出不生故，名「不可得」；不(375a)可得故，名「無作無起」。

是起作法，皆是虛誑；離如是相，名「畢竟清淨」。<sup>115</sup>

### (三) 如法而學，實無所學

#### 1、菩薩於諸法無所學、無所得

舍利弗問佛：「菩薩能如是行畢竟真淨道，為學何法？為得何法？」

<sup>110</sup> 《摩訶般若波羅蜜經》卷 3〈10 相行品〉：

舍利弗白佛言：「世尊！菩薩摩訶薩如是學，為學般若波羅蜜耶？」

佛告舍利弗：「菩薩摩訶薩如是學，為學般若波羅蜜，是法不可得故。乃至學檀那波羅蜜，是法不可得故。學四念處乃至十八不共法，是法不可得故。」

參見《大智度論》卷 43（大正 25，374a4-8）。

<sup>111</sup> 般若行：般若氣分（無得）在三昧中。（導師《大智度論筆記》〔E003〕p.290）

<sup>112</sup> 《大智度論疏》卷 17：「諸法不從因邊起故，名為不出。」（《卍新續藏》46，870c5）

<sup>113</sup> 《大智度論疏》卷 17：「亦不獨從緣邊起故，名為不生。」（《卍新續藏》46，870c6）

<sup>114</sup> 《大智度論疏》卷 17：「因緣法寂故，名為不出不生。」（《卍新續藏》46，870c7）

<sup>115</sup> 畢竟清淨：不生不起，離虛誑相。（導師《大智度論筆記》〔E004〕p.292）

佛答：「能如是學，為無所學、無所得。」

**※ 釋疑：應學六度等，云何言無法可學**

問曰：菩薩用是畢竟空學六波羅蜜乃至十八不共法，云何言「無法可學」？

答曰：此中佛自說：「諸法不如凡夫所著。」

凡夫人心有無明、邪見等結使，所聞、所見、所知，皆異法相；乃至聞佛說法，於聖道中、果報中皆著，污染於道。

**2、無明凡夫著無所有**

**(1) 諸法無所有，不知即無明**

舍利弗白佛言：「若凡夫人所見皆是不實；今，是諸法云何有？」

佛言：「諸法無所有，凡夫人於無所有處亦以為有。」

所以者何？是凡夫人離無明、邪見不能有所觀，以是故說「著無所有故，名為無明」。譬如空拳以誑小兒，<sup>116</sup>小兒著故，謂以為有。

**(2) 十八空故，五陰乃至十八不共法等皆無所有**

舍利弗問佛：「何等法無所有，著故，名無明？」

佛答：「色乃至十八不共法。」

**(3) 無明凡夫取著生過**<sup>117</sup>

**A、凡夫無明故，不知不見諸法無所有**

是中無明、愛故，憶想分別——是明、是無明，墮有邊、無邊，<sup>118</sup>失智慧明<sup>119</sup>；失智慧明故，不見、不知色畢竟空無所有相，自生憶想分別而著，乃至識眾、十二入、十八界、十二因緣；或聞善法——所謂六波羅蜜乃至十八不共法，亦如世間法，憶想分別著聖法亦如是。以是故，名墮凡夫數，如小兒，為人輕笑。

如人以指示月，愚者但看指，不看月；智者輕笑言：「汝何不得示者意！指為知月因緣，而更看指不知月。」

諸佛賢聖<sup>120</sup>為凡夫人說法，而凡夫著音聲語言，不取聖人意<sup>121</sup>，不得實義；不得實義故，還於實中生著。

**B、顯所生過**

**(A) 不出三界，不能離二乘**

佛今說凡夫所失，故言不能過三界，亦不(375b)能離二乘。

**(B) 不信諸法空**

<sup>116</sup> 參見《增壹阿含經》卷 18〈四意斷品〉(大正 2, 638c7);《大智度論》卷 19(大正 25, 204b2-3), 卷 20 (211a4-11)。

<sup>117</sup> (1) 心性常淨：迷真返妄。(導師《大智度論筆記》〔C014〕p.210)

(2) 迷真逐妄。(導師《大智度論筆記》〔E003〕p.290)

<sup>118</sup> 中，邊：取相即墮二邊。(導師《大智度論筆記》〔C005〕p.189)

<sup>119</sup> 明=眼【聖】【石】。(大正 25, 375d, n.6)

<sup>120</sup> 賢聖=聖人【宋】【元】【明】【宮】。(大正 25, 375d, n.10)

<sup>121</sup> 不得佛意。(導師《大智度論筆記》〔E003〕p.290)

不得聖人意故，聞說諸法空而不信。

**(C) 不住六度乃至十八不共法**

不信故不行、不住六波羅蜜乃至十八不共法。

**(D) 失諸功德，名為凡夫、小兒、著者**

以失如是功德故，名為「凡夫小兒」。是小兒著五眾、十二入、十八界、三毒諸煩惱，乃至六波羅蜜、十八不共法、阿耨多羅三藐三菩提皆著，是故名為「著者」。

**五、雙明有無方便行及其得失**

**(一) 無方便行及其過失**

舍利弗問：「若菩薩如是行，是名不行般若波羅蜜？不行般若波羅蜜，不得薩婆若？」佛可舍利弗言：「如是！如是！」

即為說因緣，所謂新行菩薩無方便力，聞是般若波羅蜜，憶想分別尋求欲取，作是念：「我捨世間樂，復不能得般若波羅蜜，是為兩失！」專求欲得。

或謂說空是般若波羅蜜，或說空亦空是般若波羅蜜，或說諸法如實相是般若波羅蜜。如是用六十二見、九十八使煩惱心，著是般若波羅蜜，乃至一切種智亦如是。<sup>122</sup>以是著心學諸法，不能得薩婆若。

**(二) 有方便行及其得益**

與此相違者，能行般若波羅蜜，亦能得薩婆若，所謂不見般若波羅蜜，不見行者，不見緣法，不見亦不見。

舍利弗更問不見因緣。

佛答：是菩薩入十八空故不見，非以無智故不見。

<sup>122</sup> (1) 或說空是  
般若——或說空亦空是——用六十二見、九十八使煩惱心著，分別尋求，不行般若  
或說諸法如實相是——(導師《大智度論筆記》B009] p.122)  
(2) 般若——三種：結使心著，皆非般若。(導師《大智度論筆記》[C004] p.188)